

VENDIM
Nr. 12, datë 21.3.2017

PËR SHPËRNDARJEN E FINANCIMIT PËR PROJEKTE TË REJA, THIRRJA I PËR VITIN 2017, TË GRANTIT “INFRASTRUKTURA VENDORE DHE RAJONALE”, PROGRAMI I ZHVILLIMIT TË INFRASTRUKTURËS VENDORE DHE RAJONALE, SHTYLLA I

Në mbështetje të nenit 100 të Kushtetutës, të nenit 16 dhe të aneksit 3, të ligjit nr. 130, datë 15.12.2016, “Për buxhetin e vitit 2017”, me propozimin e ministrit të Zhvillimit Urban, Komiteti për Zhvillimin e Rajoneve

VENDOSI:

1. Shpërndarjen e financimit për projekte të reja, thirrja I për vitin 2017, për grantin “Infrastruktura vendore dhe rajonale”, programi i Zhvillimit të Infrastrukturës Vendore dhe Rajonale, me burim financimi buxhetin e projekteve të reja për vitin 2017, nga programi buxhetor “Infrastruktura Vendore dhe Rajonale” pranë Ministrisë së Zhvillimit Urban, sipas tabelës nr. 1, bashkëlidhur këtij vendimi.

2. Të gjitha autoritetet kontraktuese, projektet e të cilave miratohen për financim sipas pikës 1 të këtij vendimi, brenda një jave nga data e publikimit të tij në Fletoren Zyrtare, duhet të paraqesin në sekretariatit teknik, pranë Ministrisë së Zhvillimit Urban, kalendarin me të gjitha afatet e parashikuara për fazat e prokurimit publik dhe të zbatimit të punimeve të ndërtimit, si dhe të përdorimit të fondeve dhe emrin e personit përgjegjës për informimin periodik.

3. Autoritetet kontraktuese për projektet, sipas pikës 1 të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit, përpara fundit të tremujorit të dytë, të vitit 2017. Për fondet e projekteve të paprocuruara sipas këtij afati, Komiteti për Zhvillimin e Rajoneve ka të drejtë të rishqyrtojë financimin dhe t'i rishpërndajë ato, për një projekt tjetër.

4. Ngarkohet sekretariati teknik, pranë Ministrisë së Zhvillimit Urban, të kryejë monitorimin e ecurisë së përdorimit të fondeve, sipas kalendarit të paraqitur nga autoritetet kontraktuese, në përputhje me pikën 2 të këtij vendimi dhe të informojë Ministrinë e Financave dhe periodikisht Komitetin për Zhvillimin e Rajoneve, përmes Sekretariatit të Përgjithshëm të Komitetit për Zhvillimin e Rajoneve.

5. Ngarkohen ministri i Financave dhe ministri i Zhvillimit Urban, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.

Tabela 1 Lista e projekteve të reja, thirrja e I për vitin 2017, për grantin “Infrastruktura vendore dhe rajonale”, programi i Zhvillimit të Infrastrukturës Vendore dhe Rajonale, me cikël zbatimi 2017-2018

Nr	Autoriteti Kontraktues	Emërtimi i projektit	Vlera e plotë e projektit (në lekë)	Vlera e financimit për vitin 2017 (në lekë)
QARKU SHKODËR				
1	Bashkia Malësi e Madhe	Rikualifikimi i qendrës Bajzë Kastrati, loti I	100 000 000	30 000 000
2	Bashkia Vau i Dejës	Rikonstruksioni i rrugës Hajmel-Dheu i Lehtë-Pistull, loti I	100 000 000	30 000 000
QARKU KUKËS				
3	Bashkia Tropojë	Rikualifikimi i fasadave të objekteve, qyteti Bajram-Curri	41 900 720	12 570 216
QARKU DURRËS				
4	Bashkia Durrës	Rikualifikimi i hapësirave midis Kuartallit nga rruga "Skënderbej" deri në rrugën "Mars 91" e hapësira deri tek rruga e Portit, loti II	107 494 636	32 248 391
5	Bashkia Shijak	Rikonstruksioni rrjetit rrugor të Bashkisë Shijak, loti I	100 000 000	30 000 000
QARKU TIRANË				
6	Bashkia Tiranë	Korsi biçikletash në rrugën e Kavajës dhe rrugën e Dibrës	37 867 243	18 933 622
7	Bashkia Tiranë	Ndërtim dhe rikonstruksion i rrugës që lidh rrugën "Reshit Petrela" me rrugën "Skënder Kosturi" (paralel me rrugën “Jordan Misja”)	55 130 948	27 565 474
8	Bashkia Kavajë	Rikonstruksioni i rrugës KLA&XHU - Shëtitore Qëndër Golem	77 970 252	23 391 076
9	Bashkia Rrogozhinë	Rikonstruksion i rrugëve të brendshme në Rrogozhinë (faza II dhe III)	149 822 191	37 455 548
QARKU ELBASAN				
10	Bashkia Përrenjas	Rikonceptim i qendrës së qytetit dhe rikonstruksioni i fasadave të qytetit Përrenjas	92 729 303	27 818 791
11	Bashkia Elbasan	Rikonstruksioni i rrugës rajonale Gostimë-Tregan, loti I	146 000 000	43 800 000
12	Bashkia Elbasan	Rikualifikimi urban i parkut qendror "Rinia"	250 000 000	25 000 000
13	Bashkia Belsh	Rikualifikimi urban i fasadave të qendrës Belsh	17 161 281	17 161 281
QARKU FIER				

14	Bashkia Divjakë	Rikonstruksion dhe zgjerim i rrugës Divjakë-Gërmenj, N.J.A. Divjakë	158 623 111	39 655 778
15	Bashkia Fier	Rikonstruksion i rrugës "Pishëporo-Bregdet", N.J.A. Levan	99 985 595	29 995 679
16	Bashkia Roskovec	Sistemim, asfaltim i rrugës Suk 1-Arapaj-Samaticë	194 574 979	58 372 494
17	Bashkia Lushnje	Sistemim, asfaltim i rrugës Bubullimë Imsht	78 346 951	39 173 476
18	Bashkia Lushnje	Ndërhyrje polifunksionale në lagjen "Xhevdet Nepravishta", loti I	139 523 830	41 857 149
QARKU BERAT				
19	Bashkia Poliçan	Rikonstruksion dhe asfaltim i rrugës Prokucë-Bodurë-Kapinovë, loti I	120 000 000	30 000 000
QARKU KORÇË				
20	Bashkia Maliq	Rivitalizimi i fshatit Sovjan dhe Luadishtë, përmes përmirësimit të infrastrukturës rrugore	99 800 000	29 940 000
21	Bashkia Korçë	Ndërtim i "Parkut japonez dhe kopshteve të komunitetit"	79 909 597	23 972 879
22	Bashkia Korçë	Rikonstruksion i ish-godinës së fonderisë, si projekt katalizator për zhvillimin ekonomik rajonal	86 265 659	34 506 264
QARKU VLORË				
23	Bashkia Himarë	Rikonstruksion i rrugës Kthesa e Pilurit (Himarë)-Vumblo	166 965 140	41 741 285
24	Bashkia Finiq	Rehabilitimi i rrugës Pllakë-Kulluricë	133 662 865	33 415 716
25	Bashkia Vlorë	Rikualifikimi i bllokut të banesave kufizuar nga rrugët "Bulevardi Çamëria", rruga "Pelivan Leskaj", "Bulevardi Pavarësia" rruga "Kujtim Beqiri-Pirro Sava"	91 331 230	45 665 615
26	Bashkia Vlorë	Rikualifikimi i bllokut të banesave kufizuar nga rrugët "Bulevardi Çamëria", rruga "Pelivan Leskaj", rruga "Ibrahim Abdulai", rruga "Kujtim Beqiri-Pirro Sava"	79 814 508	39 907 254
27	Bashkia Konispol	Rijetëzimi i ansambllit urban të qendrës Konispol	78 312 873	23 493 862
QARKU GJIROKASTËR				
28	Bashkia Këlcyrë	Rijetëzimi i pedonaleve dhe hapësirave rekreative në sheshin qendër	148 908 841	37 227 210
29	Bashkia Dropull	Mbi ndërtimin e rrjetit rrugor "Unaza e Pogonit", loti I	140 000 000	22 175 593
30	Bashkia Libohovë	Rikonstruksion i rrugës Kthesë e Nepravishtës - Fushë Nepravishtë	17 908 818	8 954 409

AGJENCI ZHVILLIMI RAJONAL				
31	AZHR 2	Përmirësimi i transportit dhe infrastrukturës ndërlidhëse Qaf Shtamë (Bashkia Krujë) - Burrel (Bashkia Mat), me qëllim promovimin e atraksioneve turistike të Parkut Kombëtar të Qafshamës (loti II.1) (infrastrukturë rrugore me interes të veçantë zhvillimi)	133 143 184	33 285 796
32	AZHR 3	Rigjallërimi i vlerave historike, kulturore e turistike të Zonës së Zhvillimit Rajonal 3, Korçë, Elbasan (3 lote)	148 133 524	37 033 381
33	AZHER	Qëndër multifunksionale e shërbimeve për sipërmarrjet e reja	98 000 000	29 400 000
TOTALI			3 569 287 279	1 035 718 236

Shënim:

1. “Vlera e projektit” përfaqëson vlerën e financimit për projektin, miratuar me vendim të Komitetit për Zhvillimin e Rajoneve.
2. “Vlera e financimit për vitin 2017” është financimi që jepet për vitin 2017, me burim fondin për projekte të reja të programit buxhetor “Infrastruktura vendore dhe rajonale” të Ministrisë së Zhvillimit Urban, për vitin 2017.
3. Likuidimi financiar për vlerën e projektit (ose për vlerën e kontratës pas prokurimit publik) në vitet në vazhdim do të kryhet nga Ministria e Zhvillimit Urban, duke u bazuar edhe në ecurinë e zbatimit dhe të realizimit të projekteve, programuar në buxhet me shtrirje në 2-3 vite.
4. Për projektet e financuara më sipër, ku do të ndërhyhet në zona me rëndësi për trashëgiminë kulturore, autoritetet kontraktuese do të zbatojnë projektet në bashkëpunim me Ministrinë e Kulturës, Institutin e Monumenteve të Kulturës, në përputhje me ligjin nr.9048, datë 7.4.2003, “Për trashëgiminë kulturore”.

